

# **UMS Keningau sasar 60% pelajar sains**

Um 14/09/2011 30

KOTA KINABALU 13

Sept. - Pembinaan

Pusat Asasi Sains

Universiti Malaysia

Sabah (UMS) di

Keningau amat

penting dalam usaha

mencapai sasaran 60

peratus pelajar

program sains di

universiti itu.

Naib Canselor UMS,

Prof. Datuk Dr.

Kamaruzaman Ampon

berkata, secara tidak

langsung juga program

itu dapat memberi

impak pembangunan

di kawasan terbabit.

“Pada masa ini

pelajar program asasi

sains UMS

ditempatkan di

kampus induk di Kota

Kinabalu. Jadi kita

berharap pelaksanaan

projek pembinaan

pusat ini dapat

dilaksanakan secepat

mungkin untuk

kemudahan para

pelajar,” katanya di

sini semalam.

Menurut

Kamaruzaman,

Keningau telah dikenal

pasti sebagai pusat asasi

sains dan kecemerlangan

pertanian serta

penternakan universiti

itu.

Jelasnya, kawasan

seluas 12 hektar di

Apin-Apin, Keningau

telah diluluskan

sebagai tapak pusat

asasi sains UMS.

Sementara itu,

beliau berkata, UMS

amat memerlukan

sebuah hospital bagi

membolehkan pelajar

perubatan universiti

itu menjalani latihan.

“Ini penting kerana

terdapat had untuk

menghantar pelajar

menjalani praktikal di

hospital kerajaan dan

ini agak menyukarkan

kita untuk

membolehkan pelajar

menjalani praktikal,”

ujarnya.